



Det Kongelige fiskeri og kystdepartement

Postboks 8118 Dep

0032 OSLO



Vår ref.

09/583-139/N-000//KAWV

Dykkar ref.

Dato:

14.03.2011

Uttale frå Kvam herad vedrørande Høyring- Forslag til særskilte tiltak for akvakulturrelatert verksemd i Hardangerfjorden

Viser til høyringsbrev datert 16. februar 2011. Kvam herad har i HST- sak 024/11 gjort vedtak om å kome med følgjande merknader til høyringa:

- Kvam herad var ved høyringa i 2009 positiv til at det vart sett i verk tiltak for å betra tilhøva for villfisker, men også for ei vidare berekraftig utvikling av oppdrett i Hardangerfjorden. Slik me ser det no legg forskrifta opp til vesentlege reduksjonar i faktisk produksjon av oppdrettsfisk av laks og aure i heile Hardangerfjorden. Dette er ikkje i samsvar med det me ved sist høyring oppfatta som ein stabilisering av mengd biomasse i fjorden. På denne bakgrunn ber Kvam herad om at det vert greidd ut kva konsekvensar ein slik reduksjon vil ha for kommunen og dei bedrifter som vert skadelidande, både økonomisk og sysselsettingsmessig.
- §3: Det geografiske verkeområdet er ved denne høyringsrunden utvida til også å gjelda lokalitetar i Langenuen, utan at det tillatne biomassetaket er heva. Kvam herad vil derfor be om at ein legg til grunn maksimum biomasse i 2008 registrert på dei lokalitetane som no vert teken med, og legg dette til i grunnlaget for MTB for heile verkeområdet.
- §6: Kvam herad føresett at det i ei framtidig forskrift vert lagt opp til at taket på 50000 tonn maksimalt tilletne biomasse (MTB) kan nyttast reelt og ikkje vert ståande, som ein teoretisk oppnåeleg grense av summen av tillatne løyver innan det geografiske verkeområdet.
- Oppdrettsverksemdar som har sine lokalitetar innan Kvam herad sine grenser, ligg i eit område som i sommarhalvåret er svært lite påverka av lakselus samanlikna med resten av fjorden. Kvam herad meiner at ein i prosessen fram mot å stabilisera biomassen på 2008 nivå, må leggja særleg vekt på ansiennitetsprinsippet og lokalt eigarskap, ved å unngå avgrensing av produksjonen i det geografiske verkeområdet for desse.
- Kvam herad ber om at konsern med mindre enn 10 konsesjonar, og har lokal bearbeiding av produkta, vert skjerma. Lokale bearbeidingsbedrifter, slik som Hardanger fiskeforedling AS, er viktige kvinnearbeidsplassar. Desse verksemdene vil ikkje vera levkraftige utan tilstrekkeleg leveranse av fisk frå oppdrettarane som leverer fisken sin til lokal bearbeiding. Dette tiltaket er viktig for å nå regjeringa sine mål om auka foredlingsgrad og sysselsetting, spesielt i utkantstrok.



- Til §7: Saman med soneforskrifta til Mattilsynet, vil tiltaket om eigen konsernbiomasse innanfor Hardangerfjorden også ramme hardast mindre oppdrettsbedrifter. Slike bedrifter har få områder utanfor Hardangerfjorden dei kan alternere produksjonen mellom, slik soneforskrifta krev. Derfor føreslår me fylgjande endring for å oppretthalda lokale arbeidsplassar og regjeringa sitt mål om auka foredling:

Selskap med lokal tilhøyrrighet og vidareforedlingstjenester innan verkeområdet , skal framleis ha høve til konsernbiomasse etter rekneskapslova § 1-3 også med selskap utanfor verkeområdet, men innan Region Vest.

- Kvam herad vil også gjera merksam på at det er gjeven løyve til akvakultur for visningsføremål i Hardangerfjorden. Dette anlegget er ein del av satsinga på turisme i Kvam og også eit viktig element ved nyrekruttering til næringa i form av synliggjeriing av kva akvakultur er. Det vert derfor bede om at slike løyver i si heilskap vert fritekne for produksjonsreduksjon.
- Kvam herad føreslår at FKD let ein samanslutninga av oppdrettsbedriftene, slik som Hardangerfjordlauget, ha mogelegheit til å kunne styre ståande biomassen i Hardanger under oppsyn med myndigheitene. Slik at intensjonen om å stanse vidare oppbygging av biomasse vert nådd.
- Kvam herad meiner også at FKD må leggja press på aktørar som tek ut resursar langs lakseførande vassdrag og fjordar, slik som Statnett, elveeigarlag, oppdrettarar og andre partar til å samarbeide konstruktivt. Dette for å sikre at måla til regjeringa angående levevilkår og auka rekruttering av villfisk til elvane i Hardanger vert nådd.
- I eit langsiktig utviklingsperspektiv for Hardanger, føreslår Kvam herad at det bør føreligge § om oppheving av forskrifta, når måla for tiltaka er nådd. Ei slik føresegn bør det ligge til rette for når bærekrafta er stetta.

Med helsing

Kari Weltzien Vik
Politisk sekretær
Kvam herad

Kopi til:

Jon Nedkvitne